

國語正義

國語正義卷第七

歸安董增齡撰集

晉語一

武公伐翼殺哀侯解武公曲沃桓叔之孫嚴伯之子武公僂也翼晉國都也哀侯晉昭侯之孫鄂侯之子哀侯光也初昭侯分國以封叔父桓叔爲曲沃伯曲沃盛彊昭侯微弱六年晉潘父殺昭侯而納桓叔不克晉人立昭侯之子孝侯嚴伯殺孝侯翼人立其弟鄂侯鄂侯生哀侯魯桓三年曲沃武公代翼殺哀侯後竟滅翼侯之後而兼之魯嚴十六年王使虢公命武公以一軍爲晉

侯遂爲晉祖

疏

平陽翼晉至侯光。隱五年傳杜注翼在

縣東南有古翼城

晉世家索隱翼本晉都自孝以下一

號翼侯集解引世本曰唐叔虞居鄂宋衷曰鄂地今在

大夏正義引括地志云故鄂城在慈州昌寧縣東二里

隱六年傳杜注晉別邑也案在今平陽府鄉寧縣南

止欒共子曰苟無死

解

欒共子晉哀侯大夫共叔成也

初桓叔爲曲沃伯共子之父欒賓傅之故止共子使無

解

死也吾以子見天子令子爲上卿制晉國之政

解上卿

執政命於天子者也辭曰成聞之民生於三事之如一

解

解三君父師也如一服勤至死也父生之師教之君食

之**解**食謂祿也非父不生非食不長非教不知生之族

也故一事之**解**族類也一事之事之如一也唯其所在

則致死焉解在君父爲君父在師爲師報生以死報賜以力人之道也解賜惠也以力謂家臣也臣敢以私利廢人之道解私利謂不死爲上卿君何以訓矣解無以教爲忠也且君知成之從也未知其待以曲沃也解君武公也言君知成將死其從君爲從臣道也故使止臣未知成不死而待君於曲沃之爲貳也從君而貳君焉用之解貳二心也遂鬪而死

獻公卜伐驪戎解獻公晉武公之子獻公詭諸也驪戎西戎之別在驪山者也其君男爵姬姓也秦曰驪邑漢高帝徙豐民於驪邑更曰新豐在京兆疏解獻公至新豐○晉世家

武公代晉二歲卒子獻公詭諸立五年代驪戎呂氏貴
直篇趙簡子曰先君獻公即位五年兼國十九則驪戎
其一也漢地理志京兆引新豐縣驪山在南故驪戎國
秦曰驪邑高祖七年置應劭曰太上皇惡東歸於是改
築城寺街里以象豐徙豐民以實之故號新豐周本紀
正義引括地志驪山在雍州新豐縣南十六里土地記
云驪山即藍田山案驪山之陽即藍田山也史蘇晉大夫占卜
之史也曰勝而不吉公曰何謂也對曰遇兆挾以銜骨
齒牙爲猾解遇見也挾猶會也骨所以鍊刺人也猾弄
也齒牙謂兆端左右歟折有似齒牙中有從畫故銜骨
在口中齒牙弄之以象譏口之爲害也禮卜卜師作龜
大夫占色史占墨也疏齒牙爲猾○說文牙牡齒也齒
軍旅以治兵守注牙璋瑑以爲牙牙齒兵象故以牙璋
發兵故下文韋解言兆端會齒牙交有似梓蓋亦以牙

爲兵 戎夏交捽解兆有二畫外象戎內象諸夏夏謂晉

也兆端會齒牙交有似捽捽交對也交捽是交勝也臣

故云解言晉勝戎戎復勝晉且懼有口解齒牙銜骨皆

在口也懔民國移心焉解懔離也公曰何口之有口有

寡人寡人弗受誰敢興之對曰苟可以懔其入也必甘

受逞而不知胡可壅也解胡何也逞快也壅防也甘言

入耳心以爲快而不知其惡何可防止也公不聽遂伐

驪戎克之解克勝也獲驪姬以歸有寵立以爲夫人解

驪姬驪戎君之女也疏解驪姬至之女○莊二十八年

左氏具有明文乃僖十年穀梁傳晉獻公伐虢得驪姬

獻公私之有二子長曰奚齊稚曰卓子莊子齊物論麗

之姬艾封封人之子也晉國之始得之也涕泣沾襟雖
各記所聞不若左氏之親受業於聖門者為可信也

公飲大夫酒令司正實爵與史蘇解司正正賓主之禮

者也實滿也疏解司正至實滿○儀禮燕禮射人自阼

云司正洗角觶南面坐奠於中庭又司正降自西階南

而坐取觶升酌散降南面坐奠觶右還北面少立是司

正主酌飲之節梓人為飲器爵一升又云凡試梓飲器

鄉衡而實不盡梓師罪之鄭司農云平爵向口酒不盡

則梓人之長罪于梓人則酒以曰飲而無肴解肴俎實

實爵使之實而不虛故云滿也

也夫驪戎之役女曰勝而不吉故賞女以爵罰女以無

肴克國得如其有吉執大焉史蘇卒爵解卒盡也再拜

稽首曰兆有之臣不敢蔽蔽兆之紀失臣之官解紀經

也失官失守官之節有二舉焉何以事君解二舉蔽兆

失官也大罰將及不惟無肴解及至也蔽兆失官則有

大罰非但無肴也抑君亦樂其吉而備其凶凶之無有

備之何害若其有之備之爲瘳解瘳差也臣之不信國

之福也解不信卜不中也何敢憚罰解憚難也飲酒出

史蘇告大夫曰夫有男戎必有女戎解戎兵也女兵言

其禍猶兵也若晉以男戎勝戎而戎亦以女戎勝晉其

若之何里克曰何如解里克晉大夫里季也史蘇曰昔

夏桀伐有施有施人以妹喜女焉解桀禹十七世后皐

之孫惠王之子夏癸也有施喜姓之國妹喜其女也以

女進人曰女疏

昔夏至女焉。妹喜左傳釋文本或作嬀。韋昭注漢書云嬀姓也。羅泌曰施今

施妹喜有寵於是乎與伊尹比而亡夏解伊尹湯相伊

摯也自夏適殷比比功也伊尹欲亡夏妹喜爲之作禍

其功同也疏妹喜至亡夏○漢書外戚傳顏注末喜桀

夫心桀常置末喜于膝上聽用其言昏亂失道湯伐之

遂放桀與末喜死於南巢呂氏春秋本味篇有伊氏女

子采桑得嬰兒于空桑之中獻之其君夢有神告之曰

之祭其所以然曰其母居伊水之上孕夢有神告之曰

白出水而東走母顧明日視曰出水告其鄰東走十里

而顧其邑盡爲水身因化爲空桑故命之曰伊尹長而

賢湯請取婦爲婚有伊氏喜以伊尹爲媵送女鵬冠子

曰伊尹酒保二家語或睽經要亦古訓也殷本紀伊尹

名阿衡索隱引孫子兵法書伊尹名摯孔安國亦曰伊摯

阿衡伊尹之官號非名也呂氏春秋慎大篇湯憂天下

之不寧欲令伊尹往視曠夏恐其不信湯由親自射伊

尹伊尹奔夏三年反報于毫湯與伊尹盟以示必滅夏

伊尹又復往視曠夏聽於末喜末喜言曰今者天子夢

西方有日東方有日兩日相與鬪西方日勝東方日不

勝伊尹以告湯湯故令師從東方出於國西未
接刃而桀走為天下戮此比而亡夏之事也 殷辛伐

有蘇有蘇氏以妲己女焉解殷辛湯三十一世帝乙之

子殷紂也有蘇已姓之國妲己其女也疏殷辛至女焉

紀蘇已姓子今懷之武德有蘇古城在濟源西北二里

後紀蘇伯吉利是世祝融逮妻博類死託於寵紂欲伐

有蘇蘇以妲己字已姓也 妲己有寵於是乎與膠鬲比

本紀索隱妲字已姓也 而亡殷解膠鬲殷賢臣自殷適周佐武王以亡殷也疏

如已至亡殷荀子解蔽篇紂蔽于妲己縣于赤旆呂

氏春秋先識篇商王大亂沈于酒德如己為政誠廉篇

武王使叔旦就膠鬲於四內而與之盟田加富三等就

官一列為三書同辭血之以牲埋一於四內皆以一歸

此比而亡周幽王伐有褒有褒人以褒姒女焉解幽王

宜王之子幽王宮涅也褒姒姓之國幽王伐之褒人以

美女入謂之褒姒是爲幽后也疏周幽至女焉。周本

褒國城在梁州褒城縣東二百步古褒國也索隱褒國

名夏同姓姒氏黎妖子爲人所收褒人納之於王故

曰褒姒詩小雅毛傳姒姓也鄭褒姒有寵生伯服解伯

箋云如字也是韋解用傳義也服櫛王也於是乎與號石甫比解石甫號公名鄭語曰

石甫讒諂巧佞之人也而立以爲卿士疏號石甫。周

號石甫爲卿用事國人皆怨石父爲人佞巧善諛好利

王用之呂氏春秋當染篇幽王染於號公鼓則鼓是石

甫名逐太子宜咎解宜咎申后之子平王名也而立伯

服太子奔申解申姜姓之國平王母家申人緡人召西

戎以伐周周於是乎亡解緡姒姓禹後也緡及西戎素

與申國婚姻同好幽王欲殺宜咎以成伯服求之於申

申人弗予遂伐之故申糾召西戎以伐周殺幽王於戲

疏

申人緡人。漢書地理志南陽郡宛縣故申伯國有

屈申城傳十四年春秋杜注鄆國琅琊緡縣案今山東兗州府嶧縣東有鄆城

今晉寡德而安俘女

解軍獲曰俘又增其

寵雖當三季之王不亦可乎

解季末也三季王桀紂幽

王也且其兆云挾以銜骨齒牙爲猾我卜伐驪龜往離

散以應我

解應答也往令告龜辭往伐驪也其兆離散

不吉夫若是賊之兆也非吾宅也

解賊賊敗國家之兆

也宅居也非吾所安居也離則有之**解**國分離也不跨

其國可謂挾乎

解跨猶據也言驪姬不據有晉國可謂

內外挾乎不得其君能銜骨乎

解言驪姬不得志於其

君不能銜骨以害人也若跨其國而得其君雖逢齒牙
以猾其中其誰云弗從解言驢姬若能跨據晉國而得
志於君齒牙之猾雖爲中害國人逢之誰有不從言必
從也諸夏從戎非敗而何從政者不可以不戒亡無日
矣郭偃曰夫三季王之亡也宜解郭偃晉大夫卜偃也
宜言其惑亂取亡皆其宜也民之主也縱惑不疚解疚
病也縱其淫惑不以爲病也肆侈不違解肆極也極其
汰侈無所遠避也流志而行解流放也無所不疚解無
一處不以爲病也是以及亡而不獲追鑑解鑑鏡也言
不得復追鏡前世善敗以爲戒也今晉之方偏侯也解

方大也偏偏方也乃甸內偏方小侯也傳曰今晉甸侯

是也疏陽解方大至是也。傳二十八襄王賜晉文公

王歲必犬牙相入而後南陽可啟決不能越國以鄙遠

也乃桓二年傳云今晉甸侯也則已在第二服每服五

百則去京師已千里孔疏周公斥大九州廣土萬里王

畿方千里其外每服五百里侯甸男采衛要六服為中

國夷鎮番三服為夷狄如其數計甸服內畔去京師

千里晉距王城不容此數蓋周禮設法耳土地之形不

可方平如圖未必每服皆如其數漢地理志初雒邑與

宗周通封畿東西長南北短短長相覆為千里是王畿

不正方也志又云東都方六百里半之為三百里外有

里故晉在甸服晉世家王命武公以太原去洛邑八百

軍為晉侯而上下軍未作故曰小侯也其土又小解小

小於三季王大國在側解大國謂秦齊也雖欲縱惑未

獲專也解專擅也大家鄰國將師保之解大家上卿也

師保之爲作師保也多而驟立不其集亡解驟數也集

至也雖驟立不過五矣且夫口三五之門也解口所以

紀三辰宣五行也故謂之門疏口三五之門○昭三十

五行紀宣者發其蘊也一解易下繫三多凶五多功崔

憬曰三諸侯之位五天子之位三處下卦之極居上卦之

下爲一國之君有威權之重而上承天子五居中卦偏

貴乘天位易下繫又曰乾坤其易之門邪荀爽注陰陽

相易出干乾坤故曰門口爲身之樞機出入相易故以

門喻下言不過三五言讒人所詔媚者惟視有位之天

子諸侯而施其術也是以讒口之亂不過三五解少則

義與章異未敢遽定是以讒口之亂不過三五解少則

三君多則五君且夫挾小鯁也可以小戕而不能喪國

解害在內爲戕戕猶傷也喪亡也言可以小戕害人不

足以亡國也當之者戕焉解當值也值骨鯁者傷也於

晉何害解無大害也雖謂之挾而猾以齒牙口弗堪也

解堪猶勝也言骨在口而猾以齒牙口不能勝也喻不

能終害其與幾何解言不久也晉國懼則甚矣亡猶未

也商之衰也解衰謂帝甲之世其銘有之解刻器曰銘

謂鐘鼎之戒也曰嗛嗛之德不足就也解嗛嗛猶小小

也不足就不足歸就也疏解嗛嗛猶小小○漢書郊祀

志張敞曰今穀嗛未報顏注

嗛少意也言穀稼尙少未獲豐年也後漢五行志石上

足使人春黃梁章懷注言永樂雖積金錢嗛嗛然常若不

也是嗛嗛爲小小義不可以矜而祇取憂也解矜大

也祇適也嗛嗛之食不足狃也解食祿也狃食也不能

爲膏而祇離咎也解膏肥也疏解膏肥○凝者爲脂釋

爲膏內則小切
狼獨膏是也

雖驪之亂其離咎而已其何能服解驪

驪姬也離咎而已其後二子殺死身爲里克所殺是也

何能服何能服人也吾聞以亂得聚者解聚財衆也非

謀不卒時解卒盡也三月一時非有善謀不能盡一時

齊無知是也非人不免難解非得人衆不能自免於難

衛州吁是也非禮不終年解非有禮法不能終十年齊

懿公商人是也賈虞云十年而數終唐云不能終其年

與下不盡齒同非也非義不盡齒解齒年壽也非有義

刑不能盡其年壽楚靈王滅陳蔡用隱大子於岡山是

也非德不及世解世嗣也非有德惠不能及世嗣晉惠

公夷吾是也非天不離數解離歷也非有天命助不能
歷數長久若齊桓晉文天假之年而除其害子孫繼業
神所命也今不據其安不可謂能謀解據居也言驪姬
之謀不居安存而處危亡不可謂能謀也行之以齒牙
不可謂得人解行齒牙之猾以害人不可謂得人也廢
國而向已不謂禮解廢國謂盡害羣公子也以國向已
不可謂知禮也不度而迂求不可謂義解迂邪也不度
利害之本而以邪奪正不可謂得其義義宜也以寵賈
怨不可謂德解賈市也言恃愛寵以市怨於國不可謂
有德也少族而多敵不可謂天解少族族類少也多敵

多怨也不可謂有天助也德義不行禮義不則解賈怨
無德迂求非義故德義不行則法也棄人失謀天亦不
贊解行之以齒牙爲棄人不據其安爲失謀少族多敵
故天不贊贊助也吾觀君夫人也若爲亂其猶隸農也
解隸今之徒也雖獲沃田而不易之解沃美也易治也
將弗克饗爲人而已解饗食也爲人爲他人取也士薦
曰戒莫如豫豫而後給解士薦晉大夫劉累之後隰叔
之子子輿也豫備也給及也言先有備而後及事疏解
薦至子輿○襄二十四年傳范宣子曰昔句之祖在夏
爲御龍氏杜注謂劉累也又云在周爲唐杜氏汲郡古
文成王八年王師滅唐遷其民於杜杜伯之子隰叔奔
晉生子輿卽薦也故楊慎謂士字當作土字土古杜字

毛詩自土沮漆齊詩作自杜毛詩徹彼桑土韓詩作桑
杜古土字又作士史記周本紀有邦有士今呂刑作士
則薦為杜伯裔孫當為土薦也又晉語訾福曰驪叔子
違周難于晉國生子興為理韋解理士官也班固亦言
晉主夏盟為范氏范氏為晉士師以官夫子戒也解夫
為氏則又當作士字矣義疑故兩存之
子郭偃其言戒也抑二大夫之言其皆有焉解二大夫
史蘇郭偃也既驪姬不克解不能服晉晉正於秦五立
而後平解正者為秦所輔正大家鄰國將師保之是也
謂以兵納惠公文公殺呂卻之屬也五立謂奚齊卓子
惠公懷公至文公乃平

獻公伐驪戎克之滅驪子解驪子驪戎之君本爵男此

云子者猶言男子也

疏

滅驪子○君死於位曰滅昭二
十三年傳胡子髡沈子逞滅是

也獲驪姬以歸立以為夫人生奚齊其娣生卓子解女

子同生謂後生為娣於男則言妹也驪姬請使申生處

曲沃以速縣解申生獻公太子恭君也獻公娶于賈無

子烝于齊姜生申生曲沃晉宗邑今河東聞喜是也虞

御史云速疾也縣緘也疏解曲沃至是也漢書地理志

武公自晉陽徙此武帝元鼎六年行過更名應邵曰今

曲沃也秦改為左邑武帝於此聞南越破收曰聞喜案

聞喜今圖山重耳處蒲城夷吾處屈解重耳夷吾申生

西平陽府吳母弟蒲今蒲坂屈北屈皆在河東疏解蒲今至河東

河東郡蒲子縣應劭曰故蒲反舊邑武帝置師古曰重

耳所居也應說失之是宏嗣用劭義也水經河水注河

水又南蒲川水出石樓山南逕蒲城東即重耳所奔之

處又南歷蒲子縣故城西今大魏之汾州治徐廣晉紀

柳劉端自離石南移蒲子者也案今山西平陽府隰州
東南有蒲子故城又漢書地理志河東縣北屈縣禹貢
壺口山在東南師古曰卽晉公子夷吾所居案今
山西平陽府吉州東北二十一里有北屈廢縣 奚齊
處絳解晉時都絳也以倣無辱之故解言出此三子爲
鎮於外以倣備於戎翟無恥辱於國公許之史蘇朝告
大夫曰二三大夫其戒之乎亂本生矣日君以驪姬爲
夫人民之疾心固皆至矣解日昔日也疾疾其君也至
深也昔者之伐也起百姓以爲百姓也解昔者謂古明
王也爲百姓爲百姓除害也是以民能欣之解欣欣戴
也故莫不盡忠極勞以致死今君起百姓以自封也解
封厚也民外不得其利解不得攻伐之利而內惡其貪

則上下既有判矣。解判離也。然而又生男。其天道也。天
疆其毒。民疾其態。其亂生哉。吾聞君子好好而惡惡。樂
樂而安安。是以能有常。解好者好之。惡者惡之。樂則說
之。安則居之。故能有常。以言獻公好惡安樂。皆非其所
也。伐木不自其本。必復生。塞水不自其源。必復流。滅禍
不自其基。必復亂。解基始也。今君滅其父而畜其子。禍
之基也。畜其子。又從其欲。子思報父之恥。而信其欲。解
信古申字。雖好色必惡心。不可謂好。解好美也。好其色
必授之情。解情謂許立其子。彼得其情。以厚其欲。解厚
益也。從其惡心。必敗國。且深亂。亂必自女戎。解深亂亂

深也女戎女兵也三代皆然驪姬果作難殺太子而逐
二公子解二公子謂重耳奔翟夷吾奔梁君子曰知難
本矣解知難本謂史蘇

驪姬生奚齊其娣生卓子公將黜太子申生解黜廢也
而立奚齊里克丕鄭荀息相見里克曰夫史蘇之言將
及矣其若之何荀息曰吾聞事君者竭力以役事不聞
違命解竭盡也役爲也君立臣從何貳之有解君立嗣
臣則從而奉之貳二心也不鄭曰吾聞事君者從其義
不阿其惑也解阿隨也惑則誤民民誤失德是棄民也
解言民失德陷于刑辟是棄之也民之有君以治義也

解上下之義義以生利利以豐民解有義則生利豐厚也若之何其民之與處而棄之也必立大子里克曰我不佞雖不識義亦不阿惑吾其靜也解靜默也三大夫乃別

烝於武公解烝冬祭也武公獻公之禰廟在曲沃疏解

冬祭○太平御覽引白虎通義烝之爲言衆也何休云冬薦尚稻雁烝衆也氣盛貌冬萬物畢成所薦衆多矣芳備具故曰烝公稱疾不與使奚齊泣事解泣臨也稱疾不

祭而使奚齊者欲諷羣臣使知己意猛足言於大子曰

解猛足太子臣也伯氏不出奚齊在廟解賈唐皆云伯

氏申生也一云伯氏狐突也昭謂是時狐突未杜門故

以伯氏爲申生伯氏猶言長子也子盍圖乎解圖所以

自安固大子曰吾聞之羊舌大夫解羊舌大夫羊舌職

之父也疏年傳疏謂羊舌氏也爵爲大夫號羊舌大夫

不知其如何也此人生羊舌氏也職生叔向譜云羊舌氏

晉之公族羊舌其頭不敢不受也或曰羊舌氏姓李名果有

人盜羊而遺其頭不食也受而埋之後盜羊事發辭

連李氏李氏掘羊頭而示之以明已不食惟識其舌舌

存得免號曰羊舌案唐書宰相世系表晉武公子伯僑

生文文生突羊舌大夫也突生職職五子赤肸鮒虎季

夙則世系甚明至盜羊埋頭之曰事君以敬事父以孝

受命不遷爲敬解遷徙也敬順所安爲孝解敬順父之

所安棄命不敬解言公命我守曲沃我棄之爲不敬作

令不孝解作令謂擅發舉以有爲也又何圖焉且夫問

父之愛而嘉其貺有不忠焉解間離也貺賜也廢人以
自成有不貞焉孝敬忠貞君父之所安也解安猶善也
棄安而圖遠於孝矣吾其止也

獻公田見翟相之氛解田獵也翟相國名氛祲氣象也

凶曰氛吉日祥疏解氛祲至曰祥。氛祲氣象也者昭

句被惡氣貌漢書匡衡傳李奇注祲氣也言天人精氣

相動也顏注祲謂陰陽氛相凌漸以成災祥者也蓋公

望氣而知翟歸寢不寐解欲伐翟相也寐瞑也邵叔虎

相可伐也

朝公語之解語以寢不寐也邵叔虎晉大夫邵芮之父

邵豹也疏解邵叔至邵豹。呂氏春秋不苟篇晉文將

鄴還將行賞衰曰臣聞之邵子虎文公召子虎曰衰言

所以勝鄴鄴既勝將賞之曰蓋聞之於子虎請賞子虎

子虎卽對曰牀第之不安邪解第簀也疏解第簀。爾

之第郭注牀版說文簀牀棧也第抑驪姬之不存側邪

牀簀也檀弓鄭注簀謂牀第也公辭焉出語士蔣曰今夕君不寐必爲翟祖也解君意

在翟祖也夫翟祖之君好專利而不忌解忌難也其臣

競諂以求媚其進者壅塞解其臣競諂故進者則壅塞

其上使不聞過也其退者距違解其退去者則距違其

君也其上貪以忍解忍忍爲不義也其下偷以幸解偷

苟且幸微幸也有縱君而無諫臣解縱放縱也有冒上

而無忠下解冒抵冒言貪也君臣上下各厭其私以縱

其回解厭足也回邪也民各有心無所據依解據仗也

以是處國不亦難乎君若伐之可克也吾不言子必言之解不言讓其上也士蔦以告公說乃伐翟相卻叔虎將乘城解乘升也其徒曰棄政而役非其任也解政猶職也役服戎役也卻叔虎曰既無老謀而又無壯事何以事君解壯事力役也言已無謀又恥無功也被羽先升遂克之解羽鳥羽繫於背若今軍將負毳矣疏被羽○文選王仲宣從軍詩李善注東觀漢記曰賈復擊青先登被者負於背故宏嗣以口驗者言之

公之優曰施通於驪姬解優俳也施其名也旁淫曰通

疏公之至驪姬○優俳也者急就篇倡優俳笑淮南本訓俳而歌謠漢書東方朔傳朔好詼諧武帝以

俳優畜之則優與俳一類而二名旁淫曰通左傳服虔注文詩疏旁者非其妻妾旁與之淫故服虔又云凡淫也

驪姬問焉曰吾欲作大事

解大事廢適立庶也而

難三公子之徒如何

解三公子申生重耳夷吾也對曰

蚤處之使知其極

解處定也極至也當蚤定申生分之

郤城而位以卿使自知其位所極至也夫人知有極鮮

有慢心

解鮮寡也言人自知其極則戒懼不敢違慢覲

欲也雖其慢乃易殘也

解言有官任而違慢易殘毀也

驪姬曰吾欲爲難安始而可

解難謂殺三公子始先也

優施曰必於申生其爲人也小心精潔

解小心多畏忌

精潔不忍辱也而大志重

解大年長也重愾重也又不

忍人解不忍施惡于人精潔易辱重價可疾解憤僵也
愾重者守節不易其情則可疾斃僵也不忍人必自忍
也解自忍忍能自殺也辱之近行解辱謂被以不義也
驪姬曰重無乃難遷乎解遷移也優施曰知辱可辱可
辱遷重解言知辱者雖重必移若不知辱亦必不知固
秉常矣解不知無所知也秉執也固執常謀因罪以去
之今子內固而外寵解內固內得君心外寵外見寵愛
也且善否莫不信解所善惡無不見信也若外單善而
內辱之無不遷矣解單盡也外盡善意待大子而內以
不義加辱之則其心無不移也且吾聞之甚精必愚解

精銳近恩精而易辱愚不知避難雖欲無遷其得之乎
是故先施讒於申生驪姬賂二五使言於公解賂遺也
二五獻公嬖大夫梁五與東關五也曰夫曲沃君之宗
也解宗本宗也曲沃桓叔之封先公宗廟在焉猶西周
謂之宗周也蒲與二屈君之疆也解疆境也二屈屈有
南北今河東有北屈則是時復有南屈疏蒲與二屈
傳杜注二屈今平陽北屈縣或云二當為北汲郡古文
報王七年翟章救鄭次于南屈則屈之在平陽者自當
冠之以不可以無主宗邑無主則民不威解威畏也疆
北矣
場無主則啓戎心解啟開也開戎侵盜之心晉南有陸
渾之戎蒲接之北有山戎二屈接之疏解晉南至接之

陸渾縣屬宏農郡杜預曰允姓之戎居陸渾縣在秦西北
二國誘而從伊川遂從戎號今洛川陸渾縣取其號也
周本紀正義引括地志故麻城謂之蠻中在汝州梁縣
界杜預曰城在河南新城東南伊洛之戎陸渾蠻民城
也俗謂麻蠻聲相近耳北有山戎者戎之生心民慢其
封禪書索隱引服虔云今鮮卑是也戎之生心民慢其
政國之患也若使太子主曲沃而二公子主蒲與屈乃
可以威民而懼戎且旌君伐解旌章也伐功也使俱曰
翟之廣莫以晉爲都解使俱者使二五同聲也廣莫北
翟沙漠也下邑曰都使如爲晉下邑也疏翟之廣莫北
應劭注幕沙漠匈奴之南界臣瓚注沙耳曰幕顏師古
曰應劭二說皆是幕者卽今之突厥中耳李陵歌曰
徑萬里兮渡沙漠案淮南墜形訓窮奇廣莫之所生也
高注窮奇天節也在北方坎爲廣莫風翟處中國之北
故疑以坎而晉之啓土不亦宜乎解啓土闢竟也公
其地爲廣莫也

說乃城曲沃太子處焉又城蒲公子重耳處焉又城屈
公子夷吾處焉驪姬既遠太子乃生之言解生生讒言
也太子由是得舉

十六年公作二軍解獻公十六年魯閔公之元年魯嚴
十六年王命晉武公以一軍爲晉侯至此初作二軍軍
有上下公將上軍太子將下軍以伐霍解霍周文王之

子霍叔武之國也疏解霍周至之國○管蔡世家正義

周禮鄭康成注霍山在隄本春秋霍伯國地晉世家索
隱永安縣西南汾水西有霍城古霍國有霍水焉出霍

城山西師未出土薦言於諸大夫曰夫太子君之貳也解
貳副也恭以俟嗣何官之有今君分之土而官之解位

以卿也是左之也〔解〕左猶外也吾將諫以觀之乃言於公曰夫大子君之貳也而帥下軍無乃不可乎公曰下軍上軍之貳也寡人在上申生在下不亦可乎士蔣對曰下不可以貳上〔解〕猶足不可以貳手也手足左右各自爲貳也公曰何故對曰貳若體焉〔解〕體四支也上下左右以相心目〔解〕相助也用而不倦身之利也〔解〕倦勞也有貳故不勞四體役身故身之利也上貳代舉〔解〕上手代更也下貳代履〔解〕下足履步也周旋變動以役心目〔解〕役爲也故能治事以制百物〔解〕制裁也若下攝上與上攝下〔解〕攝持也周旋不變以違心目其反爲物用

也何事能治〔解〕爲物用與百物器用無異故古之爲軍也軍有左右闕從補之〔解〕左右左右部也闕缺也成而不知是以寡敗〔解〕不知敵不知有闕也若以下貳上闕而不變敗弗能補也〔解〕變更也變非聲章弗能移也〔解〕聲金鼓也章旌旗也移動也聲章過數則有聲有聲則敵入〔解〕聲隙也軍法進退旗鼓有數過數則有隙敵見隙而犯已也敵入而凶救敗不暇誰能退敵〔解〕凶猶凶凶恐懼也退卻也敵之如志國之憂也可以陵小難以征大〔解〕以下軍貳上可以侵陵小國難以征大國也君其圖之公曰寡人有子而制焉非子之憂也對曰夫大

子國之棟也棟成乃制之不亦危乎

解

棟成謂位已定

而更其制使將兵危之道也公曰輕其所任雖危何害

解輕其所任謂輕大子之任不重責也雖近危猶無害

也士蔿出語人曰大子不得立矣改其制而不患其難

輕其任而不憂其危君有異心又焉得立行之克也將

以害之

解

以得衆害之若其不克其因以擧之雖克與

不無所避擧與其勤而不入不如逃之

解

不入不入君

意也逃去也君得其欲大子遠死且有令名爲吳大伯

不亦可乎

解

得其欲得立奚齊也大伯讓季歷遠適吳

越後武王追封曰吳伯故曰大伯大子聞之曰子輿之

爲我謀忠矣解子輿士薦字也然吾聞之爲人子者患
不從不患無名解不從不從父命也爲人臣者患不勤
不患無祿今我不才而得勤與從解以戰伐爲勤從又
何求焉焉能及吳大伯乎大子遂行克霍而反疏克霍
○水經汾水注晉獻公滅霍趙夙爲御霍公求奔齊晉
國大旱卜之曰霍大山爲祟使趙夙召霍君奉祀晉復
權讒言彌興解彌益也

優施教驪姬夜半而泣疏

夜半而泣○說文泣無聲
出涕徐鉉曰泣哭之細也謂

公曰吾聞申生甚好仁而彊

解彊彊禦也甚寬惠而慈

於民

解慈愛也皆有所行之

解行之皆有法術也今謂

君惑於我必亂國無乃以國故而行彊於君解以國故

恐敗國之故而以彊劫君也君未終命而不沒解沒終也君其若之何盍殺我無以一妾亂百姓解盍何不也公曰夫豈惠其民而不惠其父乎解惠愛也驪姬曰妾亦懼矣吾聞之外人之言曰爲仁與爲國不同爲仁者愛親之謂仁爲國者利國之謂仁解利國謂安社稷安百姓也故長民者無親解無親無私親也衆以爲親苟衆利而百姓和豈能憚君解豈憚殺君也以衆故不敢愛親衆況厚之解況益也言以衆故殺君除民害衆益爲厚也彼將惡始而美終以晚蓋者也解美善也晚後也蓋掩也言以後善掩前惡凡民利是生解謂爲民生

利也殺君而厚利衆衆孰沮之解沮敗也殺親無惡於
人人孰去之苟交利而得寵志行而衆說解交俱也欲
其甚矣孰不惑焉解欲欲大子也誰不惑謂國人也雖
欲愛君惑不釋也解釋解也今夫以君爲紂若紂有良
子而先喪紂解良善也喪亡也若紂之有善子知紂之
惡紂終必滅國以計言之不如先自殺之無章其惡而
厚其敗解厚其敗謂武王擊以輕劍斬以黃鉞也鈞之
死也無必假手於武王解鈞同也假借也而其世不廢
祀至於今吾豈知紂之不善哉解先自亡之故無知之
者君欲勿恤其可乎解恤憂也若大難將至而恤之其

何及矣公懼曰若何而可驪姬曰君盍老而授之政解
稱老以政授申生也彼得政而行其欲得其所索乃其
釋君且君其圖之自桓叔以來孰能愛親解桓叔獻公
曾祖曲沃桓叔成師也桓叔伐晉殺其兄子昭侯於翼
桓叔生嚴伯又伐翼殺昭侯之子孝侯嚴伯生武公武
公滅翼而兼之武公生獻公獻公滅桓嚴之族也唯無
親故能兼翼公曰不可與政我以武與威是以臨諸侯
未沒而亡政不可謂武有子而不勝不可謂威我授之
政諸侯必絕能絕於我必能害我失政而害國不可忍
也爾勿憂吾將圖之驪姬曰以臯落翟之朝夕苛我邊

鄙解皋落東山翟也苛撥也

疏

解皋落東山翟○水經

之西嶺東流逕皋落城服虔曰赤翟之都也世謂之倚

毫城後漢郡國志注引上黨記曰東山在壺關城東南

今名平皋閼二年傳杜注赤狄別種也皋落其氏族也

孔疏東山當在晉東皋落其氏族此族之人翟之渠帥

也案杜孔以皋落爲氏使無日以牧田野解無日不有

翟倣故不得牧於田野也君之倉廩固不實又恐削封

疆君盍使之伐翟以觀其果於衆也與衆之信輯睦焉

解果果于用師也輯和也若不勝翟雖濟其皋可也解

濟渡也以不勝罪之若勝翟則善用衆矣求必益廣解

所求益廣也乃可厚圖也且夫勝翟諸侯驚懼吾邊鄙

不做倉廩盈四鄰服封疆信君得其賴解信審也賴利

也又知可不其利多矣君其圖之公說是故使申生伐

東山解東山皋落氏也衣之偏褰之衣佩之金玦解褰

在中左右異故曰偏玦如環而缺以金爲之疏衣之至

閔二年傳服虔注偏褰之衣偏異色駸不純褰在中左

右各異說文褰背縫莊子養生篇緣駸以爲經亦謂背

縫方言繞緇謂之薦掩郭璞曰衣督脊也史記趙世家

孝成王四年王夢衣偏褰之衣王召筮史敢占之曰夢

衣偏褰之衣者幾也西陽雜俎召人僕人贊聞之曰大

用玦絕人用玦故玦如環而缺也

子殆哉解贊太子僕也殆危也君賜之奇奇生怪怪生

無常無常不立解奇異也不立不得立也疏解奇異也

行志頗注軍之常服則章使之出征先以觀之解觀其

弁應劭注奇奇怪非常意

用衆也故告之以離心而示之以堅忍之權解離心偏

衣中分也堅忍金玦也玦以示離也傳曰金寒玦離則
必惡其心而害其身矣惡其心必內險之解險危也害
其身必外危之解外危之使攻伐也危自中起難哉且
是衣也狂夫阻之衣也解狂夫方相氏之士也阻古詛
字將服是衣必先詛之周禮方相氏黃金四日元衣朱
裳執戈揚盾以驅疫也疏狂夫阻之○閔二年傳孔疏
虔注云阻止也方相之士蒙元衣朱裳主索室中毆疫
號之爲狂夫止此服言君與太子以狂夫所止之服衣
之劉光伯謂方相氏狂夫所服元衣朱裳左右同色不
得爲偏衣當服此意非是意所止也杜注阻疑也言雖
狂夫猶知有疑孔疏言雖狂夫猶知於此服有疑也案
杜意狂夫不專指方相氏猶請言狂夫瞿瞿阻之訓爲
險商頌梁入其阻阻之訓爲恃隱四年傳州吁阻兵而
安忍皆有盤桓審顧之意故訓爲疑然並與韋異義未

敢違

其言曰盡敵而反

解言謂狂夫祭詛之言

疏狂夫

祭詛之言○閔二年傳杜注曰公辭亦與韋異

雖盡敵其若內讒何申生勝翟

而反讒言作於中君子曰知微解知微謂僕人贊

十七年冬公使大子伐東山

解獻公十七年魯閔二年

里克諫曰臣聞皋落氏將戰

解言其不服將與申生戰

也君其釋申生也

解釋舍也公曰行也對曰非故也

非故事也君行大子居以監國也

解君行則守君行大

子從以撫軍也

解有守則從撫循軍士今君居大子行

未有此也公曰非子之所知也寡人聞之立大子之道

三身鈞以年

解身鈞德同也以年立長也年同以愛

解

立所愛也愛疑決之以卜筮解愛疑愛同也龜曰卜著
曰筮子無謀吾父子之間吾以此觀之解言吾使之征
伐欲觀其能不也公不說里克退見大子大子曰君賜
我偏衣金玦何也里克曰孺子懼乎衣躬之偏而握金
玦令不偷矣孺子何懼解孺少也偷薄也偏半也分身
之半以授太子又令握金玦金玦兵要也君令於大子
不爲薄矣夫爲人子者懼不孝不懼不得解賈唐云不
得不得君心也昭謂不得不得立也內傳大子曰吾其
廢乎里克曰子懼不孝無懼不得立且吾聞之敬賢於
請解賢愈也言執恭敬愈於請求也孺子勉之乎解勉

爲孝敬君子曰善處父子之間矣解入諫其父出勉其

子解天子遂行狐突御戎先友爲右解狐突晉同姓唐叔

之後狐偃之父大戎伯行也先友晉大夫先丹木之族

右軍右也疏狐突至爲右○閔二年傳狐突始見于傳

伯行重耳外祖父又曰大戎唐叔子孫別在戎翟者蓋

先出在戎後復歸晉成十八年傳孔疏大御御官之長

別有戎僕當御戎車春秋征伐之世以御戎爲重當是

御之尊者周禮有司右掌羣右之政令其下更有戎右

齊右道右春秋衣偏衣而佩金玦出而告先友曰君與

之世車右爲尊我此何也先友曰中分而金玦之權在此行也孺子勉

乎解中分中分君之半也金玦以兵決事狐突歎曰以

危衣純解雜色曰危純純德謂天子也疏○閔二年傳

龍涼說文引作犗犗云犗犗牛也惠棟曰牛之雜色者
不中爲犧牲衣之不純者不得爲大子若以龍爲涼義
無所取沈彤曰廣韻犗犗牛駁色偏而玦之以金銑者
衣卽犗服益分綴犗牛曰黑毛爲之

寒甚矣胡可恃也

解玦猶決也銑猶洒之洒洒寒貌言

於太子無溫潤也

解銑猶至寒貌○爾雅釋器絕澤
謂之銑郭注引國語文爲證邵晉

涵曰灑灑言其光之寒也

雖勉之敵其可盡乎先友曰衣躬之偏握

兵之要

解握兵之要金玦之勢也金爲兵玦所以圖事

決計也故爲兵要在此行也勉之而已矣偏躬無慝兵

要遠災

解慝惡也衣身之半君無惡意也握兵之勢欲

令大子遠災害也親以無災又何患焉至於稷桑

解稷

桑臯落翟地翟人出逆解逆距申生也申生欲戰狐突

諫曰不可突聞之國君好艾大夫殆解艾當爲外聲相

似誤也好外多嬖臣也嬖臣害政故大夫殆殆危也疏

解艾當至誤也○韓非內儲說引狐突此語作外韋解所據好內適子殆社稷危解

好內多嬖妾也嬖專寵故適子殆國家亂則社稷危周

幽王是也若惠於父而遠於死解惠順也去避奚齊爲

順父心而遠於死也傳曰狐突欲行惠於衆而利於社

稷其可以圖之乎解惠於衆謂不戰也大子去則國不

爭故利社稷況其危身於翟以起讒於內也申生曰不

可君之使我非歡也解非歡愛我也抑欲測吾心也解

測猶度也是故賜奇服而告我權解奇服偏褻權金玦

也又有甘言焉解申生將去父又以美言撫慰之言之

大甘其中必苦譖在中矣君故生心解有此甘言非本

意故言生心也雖蝸譖焉避之不若戰也解蝸木蟲也

譖從中起如蝸食木木不能避也疏解蝸木至能避○

詩疏引孫炎爾雅注蝸木蟲也又云蝸蟻蝸又云蝸桑

蟲說文蝸木中蟲文子云木生蠹反自食淮南說林訓

蠹多則木折其食木由不戰而反我舉滋厚解滋益也

我戰雖死猶有令名焉解有恭從之名也果戰敗翟於

稷桑而反讒言益起狐突杜門不出解不出避難也疏

狐突杜門不出○文選三國名臣序贊杜門不用李善

注引吳志曰權以公孫淵稱藩遣張彌至遼東拜淵為

燕王昭諫權不聽昭忿言不用稱疾不朝權恨之土塞

其門昭於內又以土封之齡案毛詩自土沮漆釋文引

齊詩作白杜毛詩徹彼桑土釋文引韓詩作桑杜則土
杜古通字杜門者以土白封其門也始古有此制矣或
引大司馬九伐鄭注杜之者杜塞之使君子曰善深謀
不得與鄰國交通訓杜爲塞其義亦得

國語正義卷第七終

國語正義卷第八

歸安董增齡撰集

晉語二

反自稷桑處五年

解

自從也從伐東山戰於稷桑而反

也處五年魯僖之四年也驪姬謂公曰吾聞申生之謀

愈深

解

謀謀殺公也愈益也曰吾固告君曰得衆解日

往日也衆弗利焉能勝翟

解

衆若不利焉肯爲用而勝

翟乎今矜翟之善其志益廣

解

矜大也善善用衆也狐

突不順故不出

解

狐突申生之戎御也不順謂大子不

順也吾聞之申生甚好信而彊

解

彊彊禦也信言必行

之又失言於衆矣雖欲有退衆將責焉

解

失言許衆以

取國也退追悔也言不可食衆不可弭

解

食僞也弭止

也是以深謀君若不圖難將至矣公曰吾不忘也抑未

有以致罪焉驪姬告優施曰君既許我殺太子而立奚

齊矣吾難里克奈何優施曰吾來里克一日而已

解

來

謂轉里克之心使來從已用一日之間言其易也子爲

我具特羊之饗

解

特一也凡牲一爲特二爲牢吾以從

之飲酒我優也言無郵

解

郵過也驪姬許諾乃具使優

施飲里克酒中飲優施起舞謂里克妻曰主孟啗我

解

大夫之妻稱主從夫稱也孟里克妻字啗啖也孟或作

盍

疏

主孟喻我。孟里克妻字者出禮女子許嫁笄而

也言且昭我物我教汝婦事夫之道義與韋異今因舊

食

我教茲暇豫事君

解

茲此此里克也暇間也豫樂也

疏

解暇間也。文選登樓賦李善注引賈逵

國語注暇或為假楚辭聊假日以銷時

乃歌曰暇

豫之吾吾不如鳥鳥

解

吾讀如魚吾吾不敢自親之貌

言里克欲為間樂事君之道反不敢自親吾吾然其智

曾不如鳥鳥

疏

渠書功無已時兮吾山平集解引徐廣

川東郡東阿有魚山或者平則吾有魚音鳥鳥也說

文雅楚鳥也小爾雅云純黑而反哺者謂之鳥小而腹

者謂之雅鳥人皆集於苑已獨集於枯

解

集止也苑茂

木貌已里克也喻人皆與奚齊已獨與申生也

疏

人皆

枯○淮南傲真訓形苑而神壯注苑枯病也以茂訓苑
猶古人以亂爲治以汚爲澣也說文枯葉木史記諸侯
王年表摧朽枯者易爲力文選注引里克笑曰何謂苑
黃石公兵書曰樹杙者鳥不栖也

何謂枯優施曰其母爲夫人其子爲君可不謂苑乎其
母旣死其子又有謗可不謂枯乎枯且有傷解無母論
枯有謗論傷傷病也優施出里克辟奠不煇而寢解辟
去也奠置也熟食曰煇夜半召優施曰曩而言戲乎抑
有所聞之乎解曩向也而汝也曰然君旣許驪姬殺大
子而立奚齊謀旣成矣解成定也里克曰吾秉君以殺
大子吾不忍解秉執也執君志以殺大子不忍不忍爲
也通復故交吾不敢解交與大子交也中立其免乎優

施曰免

解

中立不阿君亦不助大子旦而里克見平鄭

解

夜半召優施旦而見平鄭曰夫史蘇之言將及矣優

施告我君謀成矣將立奚齊平鄭曰子謂何**解**謂對優

施何言也曰吾對以中立平鄭曰惜也

解

惜惜其失言

也不如曰不信以疏之

解

曰不信者逆優施以不然也

拒之以不然則驪姬意疏不敢必也亦固大子以攜之

解固固持也攜離也固持大子以離驪姬之黨多爲之

故以變其志志少疏乃可間也

解

故謂多作計術以變

易其志志少疏乃可間間亦離也今子曰中立況固其

謀**解**況益也彼有成矣難以得間里克曰往言不可及

解及追也且人中心唯無忌之何可敗也解言驪姬唯

無忌憚之心執之已固何可敗也子將何如平鄭曰我

無心是故事君者君爲我心制不在我解我無心者不

得自在也君爲我心以君爲心也里克曰殺君以爲廉

解賈侍中云廉猶利也以天子故殺君以自利唐尙書

云爲天子殺奚齊不有其國以爲廉也昭謂是時天子

未廢獻公在位而以君奚齊非也君獻公也虞御史云

廉直也讀若鬬廉之廉此說近之長廉以驕心因驕以

制人家吾不敢解制裁也自大其廉而有驕人之心因

驕以裁制人之父子吾不敢不敢爲也抑撓志以從君

解

撓屈也人謂申生也利方以求成

解

方道也利得道以求成大子吾力不能爲

解

伏隱也明日稱疾不朝三旬難乃成解難

殺申生譖二公子也驪姬以君命命申生曰今夕君夢

(解)

齊姜申生母也福胙肉也申

生許諾乃祭於曲沃歸福於絳解絳晉所都也公田驪

解

眞置也鳩遲日也

疏

○解
說煇
文運
煇日

鳥類鷹大如鷂毛黑以羽翮灑水中飲之則殺人
真堊

解

堇鳥頭也

(疏)

注卽鳥頭詩○疏爾雅買達艸國莧語注艸郭

鳥頭也。宏爾。鳥之喙。蘇恭以爲鳥喙卽鳥頭。異名。又謂兩歧相合似鳥之喙。

之奚毒淮南主術訓天下之物莫
凶於奚毒高注云奚毒鳥頭也
公至召申生獻解獻

獻胙也公祭之地地墳解將飲先祭示有先也墳起也

疏地墳○地官州人鄭司農注墳壤多益鼠也陳藏器
本州檢遺鼠田中尖嘴小鼠陰穿地中不能見日

益鼠穿于下則土浮于上故隆起若墳墳大防也此傳
地得鳩莖之毒土裂冒上而隆高如益鼠所穿於地之

狀也申生恐而出驪姬與犬肉犬斃解斃死也飲小臣酒

亦斃解小臣官名掌陰事陰命閹士也疏小臣至閹
臣奄上士四人鄭注奄稱士者異其賢疏云小臣侍公

后與太僕侍王同章益約王制以釋侯國之制也公
命殺杜原款解原款申生之傅申生奔新城解新城曲

沃也新爲天子城之杜原款將死使小臣圍告於申生

解小臣大子小臣名圍原款因爲告大子也曰款也不

才寡知不敏解敏達也不能教導以至於死不能深知

君之心度解度尺寸也棄寵求廣土而竄伏焉解棄寵

舍天子棄位也求廣土奔他國也竄隱也小心狷介不

敢行也解狷者守分有所不爲也言雖知當與申生俱

去恥不能事君而出故不敢行也是以言至而無所訟

之解言讒言也故陷於大難乃逮於讒解逮及也然款

也不敢愛死唯與讒人均是惡也解讒人驪姬均同也

吾聞君子不去情解不去忠愛之情不反讒解反謂覆

校自申理也讒行身死可也猶有令名焉解有孝名也

死不遷情彊也解遷易也守情說父孝也殺身以成志

仁也死不忘君敬也

解

使有遺言屬狐突是也孺子勉

之死必遺愛死民之思不亦可乎申生許諾

解

死民之

思爲民所思也人謂申生曰非子之罪何不去乎申生

曰不可去而罪釋必歸於君是惡君也

解

釋解也歸於

君惡歸於君也章父之惡而笑諸侯吾誰鄉而入

解

笑

諸侯諸侯所笑也當趨鄉誰入誰國也內困於父母外

困於諸侯是重困也棄君去罪是逃死也吾聞之仁不

惡君知不重困勇不逃死若罪不釋去而必重去而罪

重不知逃死而惡君不仁有罪不死無勇去而厚惡惡

不可重死不可避吾將伏以俟命驪姬見申生而哭之

解就曲沃哭之曰有父忍之況國人乎**解**有父忍自殺

之況能愛國人乎忍父而求好人孰好之殺父以求

利人人孰利之皆民之所惡也難以長生驪姬退申生

乃雉經於新城之廟**解**雉經頭搶而縣死也**疏**雉經○

頸閉氣曰雉經如雉之爲也將死乃使猛足言於狐突曰申生有罪

不聽伯氏以至於死**解**猛足申生之臣伯氏狐突字也

不聽謂稷桑之戰不從其言申生不敢愛其死雖然吾

君老矣國家多難伯氏不出奈吾君何伯氏苟出而圖

吾君**解**圖爲之謀也申生受賜以至於死雖死何悔是

以謚爲其君**解**謚法旣過能改曰其國人告公以此謚

也驪姬既殺大子申生又譖二公子曰重耳夷吾與知

其君之事

解

言與知其逆謀也公令奄楚刺重耳重耳

逃於翟

解

奄奄士也楚謂伯楚寺人披之字於文公時

爲勃鞞翟北翟隗姓也令賈華刺夷吾夷吾逃於梁

解

賈華晉大夫梁嬴姓之國伯爵也唐尚書云晉滅以爲

邑非也是時梁尙存至魯僖十九年秦取之

疏

解梁嬴

○漢書地理志馮翊夏陽縣故少梁禹貢梁山在西北

龍門山在北案今陝西西安府韓城縣南二十里有少

梁城嬴姓伯爵見僖盡逐羣公子解羣公子獻公之庶

孽及先君之支庶也傳曰獻公之子九人乃立奚齊焉
始爲令國無公族焉

二十二年公子重耳出亡及柏谷卜適齊楚解獻公二

十二年魯僖五年公使寺人披伐蒲城重耳自蒲出奔

及至也柏谷晉地也

疏

公子重耳出亡

○文選李少卿

耳將自殺子犯曰申生虛死子復隨之此出亡時語也

○解柏谷晉地○水經河水注河水又東合柏谷水出

宏農縣南石隄山其水北流逕其亭下漢武帝嘗從行

此亭見餽亭長妻故潘岳西征賦曰長徵賓於柏谷妻

親貌而獻餐渭水注又引春秋後傳曰狐偃曰無卜焉解

曰使者鄭容入相柏谷關皆晉地也

狐偃重耳之舅狐突之子子犯也無卜不須卜也夫齊

楚道遠而望大不可以困往

解

望大望諸侯朝貢不恤

亡公子也道遠難通

解

通至也

望大難走

解

難歸走也

困往多悔困且多悔不可以走望

解

望望其力也若以

偃之慮其翟乎解可之翟也夫翟近晉而不通解不與

晉通也愚陋而多怨解多怨於戎翟走之易達不通可

以竄惡解竄隱也多怨可以其憂今若休憂於翟以觀

晉國且以監諸侯之爲其無不成解監視也之爲爲誰

動也視諸侯所爲故無不成也乃遂之翟處一年公子

夷吾亦出奔解處翟一年魯僖之六年公使賈華伐屈

夷吾自屈出奔曰盍從吾兄竄於翟乎冀芮曰不可解

冀芮晉大夫冀缺之父後出同走不免於罪解同走嫌

同謀也疏後出至於罪○晉世家冀芮曰重耳已在矣

免於罪解且夫偕出偕入難解偕俱也聚居異情惡解聚

之故也

其也虞云重耳夷吾情好不同故惡相近昭謂異情謂
各欲求入爲君於義惡也不若走梁梁近於秦秦親吾
君吾存老矣解秦穆夫人獻公之女故親吾君也子往
驪姬懼必援於秦以吾存也解以吾存者以吾在梁依
秦也且必告悔告悔是吾免也解免免罪也乃遂之梁
居二年驪姬使奄楚以環釋言解居梁二年魯僖之七
年環玉環環還也釋言以言自解釋也疏以環釋言○
好若一謂之環荀子大畧篇反絕以環故云環還也四年復爲君解居梁之四年
魯僖之九年也是歲獻公卒秦伯納之

號公夢在廟

解

號公王季之子文王之弟號仲之後號

公醜也廟宗廟也有神人面白毛虎爪執鉞立於西阿

解西阿西榮也**疏**有神至西阿○山海經郭注薳收金

文訓西方金也其帝少昊其佐薳收執鉞而治秋其神

爲太白金獸白虎故白毛而虎爪鉞者金之用詩公劉

疏廣雅云鉞戚斧毛傳以揚爲鉞鉞大而斧小太公六

韜大阿斧重八斤一名天鉞西阿西榮也者禮記鄭注

榮屋翼也文選上林公懼而走神曰無走帝命曰使晉

襲於爾門**解**帝天也襲入也公拜稽首覺召史嚳占之

解嚳號太史也對曰如君之言則薳收也**解**薳收西方

白虎金正之官也傳曰少皞氏有子曰該爲薳收**疏**則

收也○昭二十九年傳金正曰薳收杜注秋物摧薳而

可收也其祀該焉**疏**引賈逵注薳收祀於門孔穎達謂

別祭五行神以五官配天之刑神也**解**刑殺之神也天

之非在門祀薳收也

事官成解官成禍福各以官象成之也公使囚之且使

國人賀夢解欲轉吉之故使賀也舟之僞告其諸族解

舟之僞號大夫曰衆謂號亾不久吾乃今知之解以其

賀夢君不度而賀大國之襲於已何瘳解度揆也大國

晉也瘳猶損也言君不揆度神意而令賀之何損於禍

也吾聞之大國道小國襲焉曰服解襲入也小國敖大

國襲焉曰誅解敖慢也民疾君之侈也是以遂以逆命

解逆命距違君命也今嘉其夢侈必展解展申也是天

奪之鑒而益其疾解鑒鏡也鏡所以自省察民疾其態

疏民疾其態○荀子臣道篇云內不足使一民外不足

使距難百姓不親諸侯不信然而巧敵佞悅善取寵

乎上是態臣者也楊注以媚佞天又誑之解誑猶惑也

大國來誅出令乃逆解逆謂令國人賀夢宗國既卑諸

侯遠已解宗國公族也遠疎外也內外無親其誰云救

之解云言也吾不忍俟也將行解行去也以其族適晉

六年號乃亾解適晉在魯閔二年後六年在魯僖五年

伐虢之役師出於虞解魯僖五年獻公伐虢晉假道於

虞疏師出於虞○漢書地理志河東郡大陽縣吳山在

晉所滅水經河水注傅巖東北十餘里卽巖輪阪謂之

輪橋橋東北有虞原上道東北有虞城城東有山世謂之

五家冢冢上有虞公廟其城北對長阪二十許里謂之

虞阪案今山西解州平陸縣東北十五里有大陽廢縣

爲虞境又東北三十里有下陽故城卽僖二年晉所滅

者也晉自西南而來故入虢必經虞境漢書辛慶忌傳
應劭注獻公欲伐虞以宮之奇在寢不寐韓非子內儲
說晉獻公欲伐虞乃遣之屈產之乘垂煉之事宮之奇諫
璧女樂六以榮其意而亂其政此假道之事

而不聽解宮之奇虞大夫諫虞公勿假晉道虞公不聽

疏解諫虞至不聽○桓十年傳孔疏引世族譜云虞姬
姓周太王之子太伯之弟仲雍是為虞仲嗣太伯之

後武王克商封虞仲之庶孫以為虞仲之後處中國為
西吳後世謂之虞公虞是小國而得稱公者桓五年傳
孔疏引服虔云春秋前以黜陟之法進爵為公或嘗為
三公之官若虢公之屬故稱公也孔以前儒所說無文
可證故兩出謂其子曰虞將亡矣唯忠信者能畱外寇
列其義

而不害解畱外寇謂舍晉軍於國也除閭以應外謂之

忠解除去也去已闇昧之心以應外謂之忠忠謂恕也

定身以行事謂之信解定安也行事以安定其身謂之

信今君施其所惡於人闇不除矣解已之所惡而以施

人謂假晉道以伐虢也以賄滅親身不定矣解賄財也

謂虞受晉屈產之乘垂棘之璧假之道也親謂虢也虞

大王之後號王季之胄疏解謂虞至之道○僖二年傳

馬公羊何休注屈產出名馬徐彥疏屈產地在今山西

汾州府石樓縣東南四里有屈產泉垂棘杜預注晉地

夫國非忠不立非信不固既不忠信而畱外寇寇知其

釁而歸圖焉解釁隙也圖謀也已自拔其本矣何以能

久解本謂忠信吾不去懼及焉以其孥適西山解孥妻

子也西山國之西界疏解孥妻子○文六年傳孔疏帑

傳妻帑亦從巾帑者細弱之號妻子俱得稱三月虞乃

亾解晉滅之也

獻公問於卜偃解卜偃晉掌卜大夫郭候也曰攻虢何

月也解宜用何月對曰童謠有之解童童子徒歌曰謠

疏

童謠有之○詩魏風釋文引韓詩薛君章句無章句

空歌其聲逍遙然也於時有曰丙之晨龍尾伏辰解丙

子晨蚤朝也龍尾尾星也伏隱也辰日月之交會也

魯僖五年冬周十二月夏十月丙子朔之朝日在尾月

在天策也伏辰辰在龍尾隱而未見也

疏

見龍尾至未

星也者史記律書尾言萬物始生如尾也尾九星首岐
尾上起故天官書云尾爲九子東方蒼龍七宿首南而
尾北角亢氏房心尾箕尾星由東而漸入北故稱龍尾
呂氏春秋十月紀孟冬之月日在尾高注孟冬夏之十

月尾東方宿是月日逐此宿日行遲而月行疾朔日之
夜將旦雞鳴之時日逐及于月日月同躔一度故云辰
日月之交會也星遠日月伏于合辰之下而隱而無光也
是晨日月同在尾故尾伏于合辰之下而隱而無光也
均服振振取號之旂解均同也戎服君臣同振振威武
也交龍曰旂疏均服至之旂也漢書五行志左傳服虔注
衾服黑衣服氏本戰國策左師觸龍願令補黑衣服之數
以衾服黑衣服之說立義惠棟曰吳都賦劉逵注亦作衾
儀禮士冠禮兄弟畢袵元鄭注衾同也古文衾爲衾衾司
馬彪與衾服志注云郊祀之服告以衾元淮南子祝衾
元高注衾純服衾爲黑齊衣也衾衾猶衾元淮上子皆元故
謂之下衾服謂衾服爲黑齊衣也衾衾猶衾元淮上子皆元故
上下同服是也管子大匡篇四年修兵同甲十萬同甲
者均服之謂也齡謂惠氏左杜而右服與韋解義合周
官禮司服職凡兵事章弁服成十七年傳有韋章之謂
注然則在行兵之際尊卑皆用韋弁服故謂之均服則
均服非黑色明矣周官禮司常交龍爲旂爾雅釋天有
鈴曰旂旂阮氏梁正等圖旂首爲金龍頭唐志金龍頭銜

結綬及鈴是其遺制孔穎達曰旂者晉軍旂也而往取
號故云取號之旂一說取號之旅言敗號而獲其旂猶
李陵所謂斬將奪旗也亦得備一義鶉之賁賁天策焯焯火中成軍號公

其奔解鶉鶉火鳥星也賁賁鶉火星貌也天策尾上一

星名曰天策一名傳說焯焯近日月之貌也火鶉火也

中晨中也成軍軍有成功也傳曰冬十二月丙子朔晉

滅號號公醜奔京師疏鶉之至其奔○南方七宿皆為

為鶉首午為鶉火巳為鶉尾爾雅釋天柳鶉火也漢書

律歷志鶉火初柳九度小暑中張三度大暑終於張十

七度文選鸛鳴賦注引蔡邕月令章句天官五獸前有

朱雀鶉火之體是也近儒謂鶉鶉屬其性好鬪遇他鶉

有不狎者輒憤奮而前故詩人以奔奔其目之奔與賁通

言憤奮也禮記表記子曰君行逆則臣有逆命下即引

鶉之奔奔證之謂上下行逆有如奔奔疆疆之亢不用
命者故云賁賁鶉火星貌也史記天官書天策傳說星

莊周謂傳說得之以騎箕尾說生於商之中葉商之前
此星又何名乎然則星名與人名偶合非傳說薨後始
有此星也傳說之星在尾之末台宿在尾故其星近日
而微惇惇然無光耀也傳言月在策杜注謂是夜日月
合朔於尾月行疾火中而旦其九月十月之交乎解交
故至旦而過在策火中而旦其九月十月之交乎解交
晦朔之間也疏火中之交謂夏九月十月也交晦朔交會
孔疏以三統歷推之此夜是月小餘盡夜半合朔在尾
十四度從乙夜半至平旦日行四度之一月行三度
有餘故丙子旦日在尾星月在天策鶉火之次正中也
月令孟冬之月日在尾昏危中旦七星中七星則鶉火
次之
星也

葵丘之會獻公將如會解魯僖九年秋齊桓公盟諸侯

於葵丘葵丘地名遇宰周公解宰周公王卿上宰孔也

爲冢宰食采於周故曰宰周公周公自會先歸遇獻公

於道曰君可無會也夫齊侯好示務施與力而不務德

解好示自務其功以信施示諸侯而不務德也施惠也

力功也故輕致諸侯而重遣之**解**輕謂垂橐而入重謂

稱載而歸使至者勸而畔者慕懷之以典言**解**懷安也

典法也法言謂陽穀之會以四教令諸侯之屬薄其要

結而厚德之以示之信**解**薄其要結謂束牲爲盟皮馬

爲幣三屬諸侯存亡國三以示之施**解**屬會也三會乘

車之會三也三亡國魯衛邢也是以北伐山戎南伐楚

西爲此會也譬之如室旣鎮其費矣又何加焉**解**費棟

也又何加論已成矣**疏****解**費棟○說文費棟梁也張衡
西京賦費字齊平孔穎達曰此

是屋上之長材椽所以馮依者也今俗謂之屋脊 吾聞之惠難徧也施難報也

不徧不報卒於怨讐夫齊侯將施惠如出責解如出責

望其報也是之不果奉解果克也奉承也而暇晉是皇

解暇不暇不暇以晉爲務也雖後之會將在東矣解東

東方也其後會于淮是也君無懼焉其有勤也公乃還

解無懼於不會也有勤有勤勞也宰孔謂其御曰晉侯

將死矣景霍以爲城解景大也大霍晉山名也今在河

東僂疏景霍以爲城○禹貢至于岳陽至于太岳夏官

郡僂縣霍太山在東後漢陽嘉三年改僂而汾河涑澮

縣爲永安霍山今在山西霍州東三十里而汾河涑澮

以爲淵解四者水名淵池也疏

汾○水經汾水出太原汾陽縣北管涔山東南

過晉陽縣東晉水從縣南東流注之漢書地理志太原郡晉陽故詩唐國周成王城唐封弟叔虞桓三年傳曲沃武公遂翼侯於汾隰昭元年傳令晉主汾傳十六年傳汾秋公遂翼侯於汾隰昭元年傳令晉主汾傳十六年傳汾州靜樂縣西南至太原府城西四十里今汾水出山西忻府至榮河縣北入河靜樂漢汾陽榮河漢汾陰也○河○信四年傳孔疏引杜氏釋例曰河出西平西南二千里從西平東北經金城故河北地朔方五原至故雲中南經平陽河東之西界東經河北地朔方五原至故雲中南郡頓丘陽平平原樂陵之東南入海杜氏所言雖是秦漢以來河道而自大任以上猶是禹貢舊迹故河南至於華陰已入晉境由是而經流蟠曲宣十二年傳荀林父救鄭及河則河經晉南界襄十八年晉侯伐齊將濟河外列城五則河經晉西界襄十八年晉侯伐齊將濟河水出河東聞喜縣東山黍葭谷酈注涑水所出俗謂之華谷至周陽與涑水合其水東逕大嶺下西流出謂之哈口又西合涑水司馬彪曰涑水之兼稱乎河水鄭注又縣爲洮亭然則涑水殆亦洮水之兼稱乎河水鄭注又

晉河水南逕雷首山西南流注于河左傳謂之涑川者也
南流亦曰雷水又西南流注于河左傳謂之涑川者也
昭元年傳宣汾洺大澤以處太原則涑晉水也今山
西蒲州府東北二十六里有涑水城○涑○水經涑水
出河東絳縣東澮交東高山西過其縣南又西南過
郿宮南又西至王澤注于汾水郿注春秋成六年晉景
公謀去故絳韓獻子曰不如新田有汾澮以流其惡遂
居新田又謂之絳卽絳陽也蓋在絳澮之陽古文瑣語
曰晉平公與齊景公乘至于澮上見乘白驂八駟以來
有狸身而狐尾隨平公之車公問師曠曠對狸身狐尾
其名曰首陽之神飲酒得戎翟之民實環之○解○環繞也
福則遯之蓋在是水上也戎翟之民實環之○解○環繞也
汪是土也○解○汪大貌苟違其違誰能懼之○解○苟違違去
也其違違道也今晉侯不量齊德之豐否○解○豐厚也否
不也不度諸侯之勢○解○彊弱之勢釋其閉修○解○釋舍也
閉守也修治也而輕於行道失其心矣○解○失其心守也

君子失心鮮不夭昏解夭折也昏狂荒之疾是歲也獻

公卒八年爲淮之會解八年葵丑後八年也桓公復會

諸侯於淮在僖十六年傳曰會於淮謀鄆且東畧也疏

爲淮之會○漢書地理志南陽平氏禹貢桐柏大復山

在東南淮水所出東南至淮陵入海案淮陵屬臨淮郡

地理志又言東海郡嶧縣故國禹後則僖桓公在殯宋

人伐之解魯僖十七年冬齊桓公卒五子爭立太子奔

宋宋襄公伐齊納之是爲孝公也

二十六年獻公卒解獻公二十六年魯僖九年里克將

殺奚齊先告荀息曰三公子之徒將殺孺子子將如何

解荀息奚齊之傅三公子申生重耳夷吾徒黨也荀息

曰死吾君解死者吾君也而殺其孤吾有死而已吾蔑從之矣解蔑無也里克曰子死孺子立死不亦可乎子死孺子廢焉用死哉荀息曰昔君聞臣事君於我我對以忠貞君曰何謂也我對曰可以利公室力有所能無不爲忠也葬死者養生者死人復生不悔解得其所任故不悔也生人不愧貞也吾言既往矣解往行也豈能欲行吾言而又愛吾身乎雖死焉辟之解焉得避之里克告平鄭曰三公子之徒將殺孺子子將何如平鄭曰荀息謂何解荀息何言對曰荀息曰死之平鄭曰子勉之夫二國士之所圖無不遂也解二國士里克荀息也

遂行也我爲子行之解助行其事謂使翟援秦之屬也

子帥七輿大夫以待我解七輿申生下軍大夫也左行

共華右行賈華叔堅騅歔纍虎特宮山祁也待我待我

應之疏七解七輿至山祁○僖十年傳服虔注下軍與帥

命副車七乘是以七輿屬之獻公劉光伯謂若是主公

車則當情親于公不應曲附樂氏則劉光伯亦宗服章

而非杜氏矣況申生樂盈並是下車之帥益見服章之

確惠棟引韓非子晉國之法上大夫二輿二乘中大夫

二輿一乘下大夫一專乘專乘謂一輿文公作三行景公

時改爲三軍大夫一司馬三行爲六輿司馬專乘合七

輿之數故襄二十三年傳云七輿大夫與欒氏自文公

以後始有七輿獻公時止有二行一尉不得爲七輿古

五字如七遂譌爲之叔堅以下舉里平之黨不必皆在

七輿之數秦五輿之說經文無證蓋輿衆也猶夏官之

惠與韋異義其說非也我使翟以動之援秦以搖之解

重耳在翟故欲告翟又結援於秦以搖動晉國敗奚齊之黨也立其薄者可以得重賂解結秦翟之援以立二公子恩薄者可以得重賂也厚者可使無入解與已厚者可使二公子不得入立國誰之國也解言晉可專也里克曰不可克聞之夫義者利之足也解有義然後利立故曰利之足也貪者怨之本也解貪則專利故人怨之廢義則利不立解無足故不立厚貪則生怨夫孺子豈獲罪於民將以驪姬之惑蠱君而誣國人解蠱化也誣罔也讒羣公子而奪之利使君迷亂信而亾之解信姬之言使皆奔亾殺無罪以爲諸侯笑解無罪謂申生

也使百姓莫不有藏惡於其心中解人懷悖逆恐其如

壅大川潰而不可救禦也解禦止也是故將殺奚齊而

立公子之在外者以定民弭憂於諸侯且爲援解弭止

也言諸侯義已則得以爲援也庶幾曰諸侯義而撫之

百姓欣而奉之國可以固解固安也今殺君而賴其富

解賴利也貪且反義貪則民怨反義則富不爲賴解不

義而富必危故不爲利賴富而民怨亂國而身殆懼爲

諸侯載解載見於書爲後戒也疏爲諸侯載○襄二十

掌惡臣而問盟首焉襄二十年傳甯惠子曰吾得罪於

其名藏在諸侯之策曰孫林父甯殖出其君此皆顯著

其惡以立臣不可常也不鄭許諾於是殺奚齊卓子及

道之大防也

驪姬而請君於秦既殺奚齊荀息將死之人曰不如立其弟而輔之荀息立卓子里克又殺卓子荀息死之君子曰不食其言矣解食僞也既殺奚齊卓子里克及平鄭使屠岸夷解屠岸夷晉大夫告公子重耳於翟曰國亂民擾得國在亂治民在擾解非亂何入非擾何安亦言勞民易爲治也子盍入乎吾請爲子鉢解鉢導也重耳告舅犯曰里克欲納我舅犯曰夫堅樹在始解樹木也始本根也始不固本終必槁落夫長國者唯知哀樂喜怒之節是以導民解長君也導訓也不哀喪而求國難因亂以入始以喪得國則必樂喪解樂喪以喪爲樂

樂喪必哀生因亂以入則必喜亂喜亂必怠德解怠懈
也是哀樂喜怒之節易也解易反也何以導民民不我
導誰長解不我導不從我訓也長君之也重耳曰非喪
誰代非亂誰納我舅犯曰偃也聞之解偃子犯名爲重
耳舅故曰舅犯喪亂有小小大喪大亂之剋也不可犯
也解剋鋒也父母死爲大喪讒在兄弟爲大亂今適當
之是故難公子重耳出見使者曰子惠顧亡人重耳父
生不得供備洒掃之臣解洒灑也死又不敢莅喪以重
其罪且辱大夫敢辭解莅臨也夫固國者在親衆而善
鄰解固定也親衆愛土民也善鄰善鄰國也在因民而

順之解因民所愛而立之爲順民也苟衆所利鄰國之
所立大夫其從之重耳不敢違呂甥及卻稱亦使蒲城
午解呂甥卻稱夷吾之徒也蒲城午晉大夫告公子夷
吾於梁曰子厚賂秦人以求入吾主子解主子爲子內
主也夷吾告冀芮曰呂甥欲納我解冀芮晉大夫卻豹
子從夷吾故告也冀芮曰子勉之國亂民擾大夫無常
不可失也解無常無常心也非亂何入非危何安解亂
有所代危得安之幸苟君之子唯其索之解索求也所
在以求之方亂以擾孰適禦我大夫無常苟衆所置孰
能勿從子盍盡國以賂外內無愛虛以求入解外謂諸

侯內謂大夫虛國藏以求入也既入而後圖聚解入國

乃圖畜聚也公子夷吾出見使者再拜稽首許諾呂甥

出告大夫曰君死自立則不敢解自立立嗣君也久則

恐諸侯之謀徑召君於外也解恐受賂徑自召他公子

也則民各有心恐厚亂解各有心所愛不同也盍請君

於秦乎解秦親晉故欲請所立大夫許諾乃使梁由靡

告於秦穆公解梁由靡晉大夫秦穆公伯益之後德公

之子穆公任好也疏解秦穆至任好○史記秦本紀帝

隕卯女修吞之生子大業大業取少典之子曰女華生

大費是謂柏翳正義引列女傳陶子生五歲而佐禹曹
大家注臯陶之子伯益索隱此秦趙之祖嬴姓之先秦
本紀又言大費生子二人一曰大廉實鳥俗氏二曰若

木實費氏大廉元孫曰孟戲中衍元孫曰中滿生蜚
廉廉生惡來來有子曰女防女防生旁皋旁皋生大几
大几生大駱大駱生非子孝王使主馬於汧渭之間邑
之秦號曰秦嬴秦嬴生秦侯秦侯生公伯公伯生秦仲
秦仲生公子五人長曰莊公莊公生襄公襄公生文公
生公子公孫生甯公甯公生武公武公生懿公懿公生
子三人長子宣公宣公生威公威公生懿公懿公生
里克殺奚齊卓子及荀息夷吾乃使人請秦求入晉穆
公許之使百里曰天降禍於晉國讒言繁興延及寡君
奚將兵送夷吾曰天降禍於晉國讒言繁興延及寡君
使寡君之紹續昆裔解紹繼也續嗣也昆後也裔末也
隱悼播越託在草莽未有所依解隱憂也悼懼也播散
也越遠也依倚也又重之以寡君之不祿喪亂並臻解
士死曰不祿禮君死赴于他國曰寡君不祿謚也臻至
也以君之靈鬼神降衷解衷善也罪人克伏其辜解罪

人驪姬也

疏

罪人克伏其辜。○秋官掌戮鄭注辜之言枯也謂磔之晉世家集解引列女傳鞭殺

驪姬于市

羣臣莫敢甯處將待君命

解

待君命所立也君若

惠顧社稷不忘先君之好辱收其逋遷裔胄而建立之

解

逋亾也遷徙也胄後也以主其祭祀且填撫其國家

及其民人雖四鄰諸侯之聞之也其誰不儆懼於君之

威而欣喜於君之德終君之重愛受君之重賜而羣臣

受其大德

解

君謂獻公也賜賜也晉國其誰非君之羣

隸臣也

解

隸役也秦穆公許諾反使者

解

反報也乃告

大夫子明及公孫枝

解

子明秦大夫百里孟明視公孫

枝秦公孫子桑也曰夫晉國之亂吾誰使先

解

當先立

誰若夫二公子而立之解若之也使之二公子擇所立

也以爲朝夕之急解言晉無君朝夕之急也大夫子明

曰君使繫也解繫秦公子子顯也疏解繫秦公子子顯左傳補注引盧

植曰古者名字相配顯當爲韃錢大明曰韃韃鞅紆皆所以馭馬說又韃作鞅繫字子顯蓋鞅之省繫敏

且知禮敬以知微敏能竄謀解竄微也知禮可使敬不

隊命解隊失也微知可否解微密故知可否君其使之

乃使公子繫弔公子重耳於翟曰寡君使繫弔公子之

憂又重之以喪解奔亡之憂加之以喪親也寡人聞之

得國常於喪失國常於喪解若齊桓公以喪得國子糾

以喪失之是也時不可失喪不可久公子其圖之重耳

告舅犯舅犯曰不可亾人無親信仁以爲親解亾人無

親者被不孝之名棄親而亾也當信行仁道然後有親

是故置之者不殆解置立也殆危也父死在堂而求利

人孰仁我解人誰以我爲仁也人實有之我以微幸人

孰信我解人實有之時多公子非獨已也我從外微幸

而求之人誰謂我信也不仁不信將何以長利公子重

耳出見使者解使者公子繫也曰君惠弔亾臣又重有

命解反國之命重耳身亾父死不得與於哭泣之位又

何敢有它志以辱君義解它志謂爲君也再拜不稽首

疏再拜不稽首○周官禮太祝辨九拜一曰稽首鄭康
成注稽首拜頭至地也孔穎達謂稽首頭至地頭下

後至地也。尙書每稱拜手稽首者，初爲拜頭至手，乃復叩頭以至地。至手是爲拜手，至地乃爲稽首。今重耳頭不至地，故云不稽首也。荀子大略篇平衡曰：拜下起而衡曰稽首至地，曰稽顙。意與鄭異。采之以存舊詁。起而

哭。解易位而哭退而不私。解不私不私訪也。公子繫退

弔公子夷吾於梁，如弔公子重耳之命。夷吾告冀芮曰：

秦人勤我矣。解勤助我也。冀芮曰：公子勉之。亾人無狷

潔，狷潔不行。解亾人不可以狷。潔狷潔則大事不行。重

賂配德。解以重賂配己之德也。公子盡之，無愛財人實

有之。我以微幸，不亦可乎？公子夷吾出見使者，再拜稽

首起而不哭，退而私於公子繫，曰：中大夫里克與我矣。

解與我助我也。

疏

中大夫至與我。○諸侯士大夫卿下大夫五人僖十五年傳杜注中大夫國

中執政里平等則 吾命之以汾陽之田百萬解賈侍中

云汾水名汾陽晉地百萬百萬畝也疏解汾水至晉地

原郡汾陽縣北山汾水所出西南至汾陰入河過郡二

行于三百四十里冀州滹案水北曰陽則田在汾水之

北嬖大夫平鄭與我矣疏嬖大至與我○昭元年傳子

夫言之則吾命之以負葵之田七十萬解負葵晉地名

下大夫也君荀輔我蔑天命矣解蔑無也無復天命在秦而已吾

必遂矣解遂成也亾人荀入掃除宗廟定社稷亾人何

國之與有解言但得守宗廟社稷不敢望國土也君實

有郡縣解言君亦自有郡縣非謂之無也且入河外列

城五解河外河東也列城五東盡虢畧南及華山內及

解梁城

疏

也

東盡號畧從河南而東盡號畧也解梁城南

今河東解縣也華山在宏農華陰縣西南章言河東杜

言河南兼言之義乃備孔穎達謂河自龍門而南至華

陰而東晉在西河之東南河之北以河北為內河南為

外號畧號之境界獻公滅號而有之今許以略秦列城

五者自華山東盡號之東界其間有五城也傳稱許君

焦瑕蓋是其二其餘三城不可知也列城猶言列國言

其城之大者解梁城則在河北非此河外五城之數也

案後漢郡國志陸渾西有號畧地在今河南南府嵩

縣境內華山在今陝西同州府華陰縣西南解梁豈謂

城在今山西蒲州府臨晉縣東南十八里有解城豈謂

君無有亦為君之東游津梁之上無有難急也**解**津水

也梁橋也非謂君無有若此地者欲使君東游津梁之

上無有急難故進之耳人入之所懷挾嬰瓌以望君之

塵垢者**解**挾持也嬰馬纓瓌馬帶言塵垢不敢當盛也

塵垢者**解**挾持也嬰馬纓瓌馬帶言塵垢不敢當盛也

塵垢者**解**挾持也嬰馬纓瓌馬帶言塵垢不敢當盛也

疏解嬰馬纓環馬帶○周官禮巾車鄭司農注纓謂當

草為之康成謂纓今馬鞅買公彦曰纓是來馬頸故以

今馬鞅解之離騷經解佩環以結言兮王逸注環佩帶

也環是帶之通名**黃金四十鎰白玉之珩六雙****解**二十

故焉帶亦謂之環**黃金四十鎰白玉之珩六雙****解**二十

兩為鎰珩佩上飾也珩形似磬而小詩傳曰上有蔥珩

下有雙璜**疏**黃金至六雙○文選七發李善注引國語

趙岐注漢書食貨志孟康注並言二十兩與韋異義案孟子

非孤文無證也說文珩佩上玉藻有黝珩蕤珩蓋佩

之上橫曰珩下繫三組貫以玉璜中紐之半貫一大珠

曰璜末縣一玉兩端皆銳曰珩牙兩旁紐之半貫一玉

長博而方曰琚其末各縣一玉如半璧而內向曰璜又

以兩組貫珠上繫珩兩端下交貫于琚而下繫于兩璜

行則衝牙觸璜而有聲則珩者總攝璜珩衝牙之玉居

一風之最髙其下分縣三組故磐折句曲中高而兩端

垂下雙耦也宣四年公羊傳為其雙雙而俱至者與彼

疏引舊說云雙雙之鳥一身二首尾有雌雄隨便而偶

常不離散六雙者因鳥不敢當公子請納之左右解公名而通之諸物之名也

子公子縶言左右謙也公子縶反致命穆公穆公曰吾

與公子重耳重耳仁再拜不稽首不沒爲後也解沒貪

也起而哭愛其父也退而不私不沒於利也解不沒不

貪利國家也公子縶曰君之言過矣君若求置晉君而

載之解載成也置仁不亦可乎君若求置晉君以成名

於天下解成威名也則不如置不仁以滑其中解滑亂

也且可以進退解進退猶改易也臣聞之仁有置武有

置仁置德武置服解仁置有德武置服從是故先置公

子夷吾是謂惠公疏是謂惠公○呂氏春秋貴直篇行人燭過曰惠公卽位二年淫色暴

慢身好玉女秦人襲我遜去
絳七十此論惠公之爲也

穆公問於冀芮曰公子誰恃於晉對曰臣聞之亾人無
黨有黨必有讐解有與爲黨必有與爲讐無黨則必無
讐夷吾之少也不好弄戲不過所復解不過差也怒不
及色解無色過也及其長也弗改是故出亾無惡於國
而衆安之不然夷吾不佞其誰能恃乎解佞才也言無
恃則恃秦也君子曰善以微勸